



Број/Број: 03-/4-50-1-10-10-3/8
Сарајево/Сарајево: 6. 2. 2008. године

ZAPISNIK

10. sjednice Zajedničke komisije za evropske integracije Parlamentarne skupštine BiH, održane 5. 2. 2008. godine

Sjednica je počela u 16 sati.

Predsjedavajući Halid Genjac sazvaо je 10. sjednicu Zajedničke komisije za evropske integracije Parlamentarne skupštine BiH.

Sjednici su prisustvovali članovi Zajedničke komisije: Halid Genjac, Drago Ljubičić, Ivo Miro Jović, Alma Čolo, Šemsudin Mehmedović, Rudo Vidović, Branko Dokić, Zoran Koprivica, Selim Bešlagić, te Vladana Lučić, privremeni sekretar Zajedničke komisije. Azra Hadžiahmetović, Milica Marković i Hilmo Neimarlija opravdali su odsustvo.

Sjednicom je predsjedavaо predsjedavajući Zajedničke komisije Halid Genjac.

DNEVNI RED

1. Razmatranje Prijedloga rezolucije o ubrzavanju procesa pristupanja Bosne i Hercegovine u članstvo Evropske unije – predlagači: poslanici Denis Bećirović, Selim Bešlagić, Jozo Križanović, Zlatko Lagumdžija, Mirjana Malić i Sefer Halilović i delegat Adem Ibrahimpašić.

Ad. 1. Razmatranje Prijedloga rezolucije o ubrzavanju procesa pristupanja Bosne i Hercegovine u članstvo Evropske unije – predlagači: poslanici Denis Bećirović, Selim Bešlić, Jozo Križanović, Zlatko Lagumdžija, Mirjana Malić i Sefer Halilović i delegat Adem Ibrahimpašić

Predsjedavajući Zajedničke komisije Halid Genjac upoznao je prisutne o dopisu Kolegija Predstavničkog doma, u kojem se navodi da je Kolegij Predstavničkog doma upoznat o zaključcima, usvojenim na 9. sjednici Zajedničke komisije, povodom rasprave o Prijedlogu rezolucije o ubrzavanju procesa pristupanja Bosne i Hercegovine u članstvo Evropske unije, koju su predložili poslanici Kluba SDP-a u Predstavničkom domu PSBiH.

Kolegij Doma primio je k znanju zaključke Zajedničke komisije. Međutim, Kolegij se nije usaglasio da Prijedlog rezolucije skine s dnevnog reda 21. sjednice Doma imajući u vidu da je sjednica Doma odgođena za 13. 2. 2008.

Kolegij smatra da Zajednička komisije može do naredne sjednice Doma održati još jednu sjednicu i Domu podnijeti izvještaj o Prijedlogu rezolucije o ubrzavanju procesa pristupanja BiH u članstvo Evropske unije.

U skladu s ovakvim stavom, Kolegij je pozvao Zajedničku komisiju da do 21. sjednice Doma završi rad na Prijedlogu pomenute rezolucije, u skladu s Poslovníkom Doma.

Nakon rasprave o Prijedlogu rezolucije, Zajednička komisije zauzela je stav da se Prijedlog rezolucije proslijedi domovima Parlamentarne skupštine BiH na razmatranje i izjašnjavanje.

Zajednička komisija jednoglasno je konstatirala da stav 10. Prijedloga rezolucije nije u skladu s članom 42. stav (1) Poslovníka Doma naroda i članom 48. stav (1) Poslovníka Predstavničkog doma. Prema tome, Zajednička komisija predložila je da se stav 1. Prijedloga rezolucije briše ili da predlagači Rezolucije predlože tekst koji bi bio u skladu s poslovnícima oba doma, u smislu odredbi koje daju mogućnost komisijama da zatraže povremenu pomoć stručnjaka, u skladu s članom 30. stav 3. Poslovníka Predstavničkog doma i članom 34. tačka (f) Poslovníka Doma naroda.

Za izvjestioca na sjednici Predstavničkog doma određen je predsjedavajući Zajedničke komisije Halid Genjac, a na sjednici Doma naroda Ivo Miro Jović, prvi zamjenik predsjedavajućeg Zajedničke komisije.

Sjednica je završena u 16, 40 sati.

Predsjedavajući
Zajedničke Komisije
Halid Genjac

